

Regolament dai criteris e des modalitâts pe erogazion di contribûts aes Societâts Operais di Socors Mutuâl.

Art. 1

Ce che al definìs il regolament

1 Chest regolament al definìs cun ce criteri e cun ce modalitâts a vegnin dâts i incentîfs e i contribûts daûr de Leç Regjonâl n. 21 dai 12/07/1999 “Interventi per il riconoscimento e la valorizzazione della funzione sociale e di servizio delle Società di Mutuo Soccorso”(Intervents pal ricognossiment e pe valorizazion de funzion sociâl e di servizi des Societât di Socors Mutuâl).

Articul 2

Finalitâts

1 La Provincie e ricognòs il rûl particolâr des Societâts di Socors Mutuâl, che no àn fins di vuadagn, sul teritori de provincie: a prudelin la cressite culturâl, civîl, sociâl e mutualistiche des comunitâts locâls.

2 Par chest la Provincie i da valôr a la lôr funzion sociâl e di servizi, lis jude a slargjâ lis lôr ativitâts di assistance, di promoziun culturâl e di protezion sociâl integrative, e tutele il lôr patrimoni storic e culturâl.

3 Par rivâ ai fins dal come 2, la Provincie e jude a sostignî il funzionament des Societâts di Socors Mutuâl, e la colaborazion fra lôr, cui Comuns e cun chês altris istituzions publichis.

Articul 3

Cjamps di intervent

1 Par rivâ ai fins dal articul 2, lis Provinciis a àn la facultât di dâ contribûts par:

- a) iniziativas e programs che a slargjin i valôrs de mutualitât ator pes comunitâts locâls, soredut tes scuelis e fra i zovins;
- b) iniziativas e programs pal inzornament e pe realizazion dai fins di Socors Mutuâl, ancje te prospettive di mutualitât e previdence integrativis;
- c) restaur e conservazion dal materiâl storic e documentari;
- d) ativitâts sociâls e culturâls previodudis tai statûts di ogni Societât;
- e) organizazion e/o gjestion di iniziativas te aree sociâl, formative, ricreative, culturâl e sportive;
- f) istituzion di premis di studi pe ricercje e pal aprofondiment su la divignince e su lis ativitâts des Societât di Socors Mutuâl, sul mont dal lavôr e de solidarietât;
- g) istituzion di cors di formazion pal recupar e pe difusion di mistîrs e di professions carateristics di chel teritori che a son daûr a sparî;
- h) paiament ancje dome di une part des spesis di gjestion di ogni Societât (personâl, afit, lûs, telefon, cancelarie, altri);
- i) intervent su edificis di proprietât pal inmodernament, pal rinovament e pe sostituzion di implants e pal adeguament aes normativis di sigurece e di abatiment des barieris architetonicis.

2 I programs e lis iniziativas te liste dal come 1 a puedin cjapâ dentri ancje la compre e la manutenzion straordinarie di implants e di bens mobii.

3 I contribûts pai intervents che si fevele tal art. 3 come 1 letare i, a vegnin dâts in cont capitâl par taponâ no plui dal 80 % de spese ametude.

4 I bêçs previodûts tal bilanç par sostignî chestis iniziativis si dividaran cun chestis percentuâls:

- 20% pai intervents in cont capitâl,
- 80% pes ativitâts di gjestion.

Art. 4 **Criteria di prioritât**

1 I contribûts a sosten di intervents in cont capitâl si ju assegnarà daûr di chest ordin di prioritât:

- a) sosten dai intervents di adeguament des sedis des Societât di Socors Mutuâl aes normativis in vore in materie di sparagn di energjie e di abatiment des barrieris architetonichis;
- b) intervents un grum urgjents par frontâ acjadiments no previodûts. In detai: recupar e infuartiment des struturis dai imobii, sostituzion e riparazion di implants, altris spesis che no si pues programâ;
- c) intervents di manutenzion ordenarie de sede.

2 I contribûts a sosten des ativitâts di gjestion si ju assegnarà daûr di chest ordin di prioritât:

- a) valorizazion des iniziativis di mutualitât, soreud chês indreçadis a la organizazion di moments di incuintri e di socialitât;
- b) promozion di ativitâts culturâls, di solidarietât e di jutori a nivel sociâl, sanitari, assistenziâl e previdenziâl;
- c) istituzion di premis e di borsis di studi e di cors di formazion;
- d) incentivazion des iniziativis che a cjapin drenti e a domandin la colaborazion di plui Ents, Associazions e Istituzions;
- e) iniziativis di impuartance storiche o culturâl segnaladis dal Comitât di Coordinament Regjonâl des Societâts Operaies.

Art. 5 **Presentazion des domandis, mûts di rendicontazion e di control**

1 Par otignî i contribûts dal art. 3, lis Societât di Socors Mutuâl a àn di fâ domande in cjarte legâl o fate diventâ legâl, firmade dal legâl rapresentant de Societât Operaie e indreçade a la Provincie di Pordenon.

Lis domandis a àn di rivâ drenti dai **31 di Zenâr di ogni an**.

Se si lis mande par raccomandade, il timbri de pueste al prove il rispjet de scjadince dai tiermins, ma a àn di rivâ ae Provincie drenti dai cuindis dîs dopo che al è scjadût il tiermin.

La Provincie no cjape in considerazion lis domandis che a rivin dopo.

2 Cu la domande, si à di mandâ ancje chescj documents:

- a) Programe anuâl di massime;
- b) Preventîf cui details di spese par ogni iniziative;
- c) Cjariis sociâls (se i uficis che a partin indenant la pratiche no lis cognossin za);
- d) Statût de Societât (se i uficis che a partin indenant la pratiche no lu àn za);

3 La sempliç presentazion de domande no da drit a vê i incentîfs, ançe se a son i requisîts sogjetîfs e ogjetîfs prescrits.

4 Pe rindicontazion dal contribût, il beneficiari de sovenzion, dentri dai 31 di Zenâr dal an dopo, al à di produci la liste analitiche de documentazion che e justifiche lis spesis paiadis. Pai contribûts dâts in cont capitâl, il rindicont dal incentîf economic al varà di consegnâlu dentri dal mêis di Zenâr dal secont an dopo de assegnazion. Se il beneficiari nol pues rindicontâ il contribût ricevût tai tîmps e cu lis modalitâts indicadis, il responsabil dal procediment al revoche il contribût o al ferme la assegnazion in cors dal contribût. La mancjade rindicontazion dal contribût e compuarte la revoche automatiche de sovenzion, e i gjave il drit a altris sovenziions pal an dopo al beneficiari.

5 I beneficiaris dal contribût a varan di presentâ, insiemit cul rindicont economic, i materiâi promoziônai produsûts pes iniziativais realizadis. Cheste documentazion e varà di ripuartâ la scrite “realizât cul contribût/cul sosten de Provincie di Pordenon”.

6 Ducj i sogjets beneficiaris a puedin jessi sometûts a la ispezion analitiche de documentazion che e ateste l'implei dai contribûts erogâts.

Art. 6

Istituzion dal coordinament regionâl des Societât di Socors Mutuâl

1 Par promovi la atuazion des finalitâts che si fevele tal articul 2 e par sigurâ une colaborazion e un colegament continui cui ents publics che a lavorin sul teritori regionâl, al è istituît un coordinament regionâl des Societâts di Socors Mutuâl, fat di doi rapresentants pe Provincie di Pordenon e di Udin e di un par ognidune di chês altris dôs Provinciis. I rapresentants ju sielzin par elezion lis Societâts Operais di chês stessis provinciis.

2 Il coordinament, in acuardi cu lis provinciis competents pal teritori, ogni an al individue une cuote (no plui dal 10%) des risorsis a disposizion, di doprâlis daûr des indicazioni dal coordinament ançe pes spesis relativis al so funzionament. La cuote di competence di ogni Provincie le assegnerà subit il Coordinament Regionâl des Societâts Operais.

3 Il Coordinament al pant il so parê sui finanziaments che si fevele tal art. 3 te persone di un so rapresentant, nomenât de Provincie su indicazion dal stes Coordinament, dentri de Comission Tecniche pes Ativitâts Culturâls.

Art. 7

Jentrade in vore

1 Chest regolament al jentre in vore a partî de date che il Consei Provinciâl al à fate buine la deliberazion di aprovazion.

2 Par ce che nol proviôt chest Regolament, a valin lis disposiziions di leç in vore in materie.